

اقتصادیات

نومبر ۱۷

پنجشنبہ

۷ کانون ثانی ۱۳۲۴

پوزغادده « حقایق التده مقاصد غیر مشروعه و غیر قانونیه خادم بر جمعیت پیدا اولمش و مأمورین محلیه دن اشتراك ایدلشدرد . — كذلك معموره العزیزده غلبه لك بر جمعیت تشکیل اولنه رق مشروطیت و ارمیلر علیه یورو مکی تصمیم ایتمش اولدینی ده خبر آلتدی . « استشاره » نك ۱۱ كانون اول ۳۲۴ تاریخنه مصادفاً نشر اولنان ۱۴ نجی نسخهنده و قانون اساسیمزك صور اصلاحیه سنه دأر مقالات مسأله لك ایکنجیسنده « حق اجتماع » ك سوء استعمالی حقننده اظهار ایلدیکمز قورقورلر تحققی ایدیور . حکومت قانون اساسی به حق اجتماعی قویقله برابر بو حقیق حربت مشروعه و مشروطیت اداره علیه استعمال اولنه نامسی ایچون قیود لازمه بی حاوی بر نظام مخصوص نشرنده یاخود قانون جزایه فقرات ایجابیه علاوه سنده تکامل کوسترماملیدر . شو مناسبتر و مؤلم احواله قارشو تسلی یرینه کچن معلوماته کوره مدینه ده نایش اعاده اولنمشدر. [۲] بشکطاش حادثه سی [۳] فاعلارینك مجازات مخلفه ایله محکوم ایدلکلرینی ده سوبلمکله بو هفته کی اجماله حسن خاتمه ویرمش اولورم . —

ابن الضیا

اجال خارجی

کچن هفته کی اجمالزده آوستریانك بدایت امرده کوستردیکی تعقد و امتناعلردن تدریجاً صرف نظر ایتمکده اولسنه مبنی دولت علیه ایله ایرکیچ بر اتلاف حاصل ایده جکئی بیان ایلمشیدك . بو تخمینمز حتی کامل پاشانك مجلس مبعوثانده ایراد ایلدیکی لطفدن استدلال اولندیغندن ده آاز بر مدت ظرفنده تحققی ایدیوردی . بارون دو نرنتالک ایکی بحق میلیون لیرای عثمانی تعویضات اعطاسی تکلیفی باب عالی بعض شرائط درمیان ایتمکله برابر اساساً قبول ایتدی . الیوم تفرعات اتلافی حقنده اجرای مذاکرات ایدلمکده در، ده طوغریسی بو تفرعات دخی

[۲] « استشاره » نومرو ۱۲

[۳] « استشاره » نومرو ۶

قرارلشدیرلش ، آوستریا سفیری معرفتله ویا قاینه‌سنه تبلیغ ایدلمشدر . جواب ورود ایدنجه استلافنامه‌نك عقدیله مجلس مبعوثانه حواله‌سندن غیری بر معامله قالمیه‌جقدر .

آوستریا حکومتی دخی آوستریا و مجارستان پارلمنتو ویا دله‌غاسیون مجلسلرینك استحصال موافقتیه محتاج ایسه‌ده مقررات واقعه‌نك مذکور مجلسلرجه تصویب ایدیله‌جکندن امین بولندیفی ایچون استلافنامه احکامندن بعضیلرینك همان اجراسنی‌ده تعهد ایده‌بیلیور . استلافنامه‌نك تفرعانه‌کنجه بونلرك تعلق ایستیکی مواد عادتاً اساس استلافدن دهامهم اولدقلرندن تفرعات دیوب کچمالمیدر . فی‌الحقیقه اساس استلاف ایکی بحق میلیون لیرادن عبارت بر تعویض مالی‌یه‌عائد ایکن مواد متفرعه بوسنه وهرسکده متمکن بش یوز بیک نفوس محمدیه‌نك حقوق دینیّه و تصرفیه‌سفی تحت تأمینه آلمفه معطوفدر .

غزنه‌لرك بو بایده‌کی پروتوقول مندرجاتی حقنیده وقوعبولان نشریانه صحیح نظرله باقیله‌مامقله برابر اهمیت مسئله‌نی تدبیراً بوسنه وهرسك مسلمانلرینك امور شرعیه‌سندن بر نبذه بحث ایتمك زائد دکلدر : آوستریا حکومتی ایالتین اهل اسلامك خلافت اسلامییه دکل هیچ اولمز ایسه مشیخت اسلامییه اولان رابطه‌لرینی ممکن اولدیفی قدر اخلاص ایتمکه اوتهدنبرو سنی ایدر ، بو خصوصده کونا‌کونا موانع و مشکلات ایقاع ایلر طورردی . بوسنه مفتیسنك طرز انتخاب و تعیینی ، و مأموریتنك کیفیت تصدیقی همیشه بو مشکلاته بر زمین تشکیل ایلر ایدی . معلومدرکه بر مقتینك افتایه صلاحیتی مطلقاً طرف مشیخت اسلامیهدن معطی منشور و مراسله‌ایله بخش اولدور . حالبوکه آوستریا حکومتی بو معامله‌یه نوعاً بر مداخله نظرله باقی ایستر ، مقتیلری کندیبسی تعیین ایتمکه قالدیشوردی ، بو یوزدن دولت ایله حکومت مشارالها آره‌سنده برخیلی مخبرات جریان ایتمش ایسه‌ده طرف مشیختدن آراه ایدیله‌جك برقاج زادن برینك طرف ایتمراطوریدن انتخاب‌ولنه‌رق بعده مأموریتنك جانب مشیختدن تصدیقی تکلیفی بیله بر نتیجه‌یه اقتران ایده‌مامشیدی ، شمعی ایسه بو مسئله شرعشریف‌مقتضیانسه کوره حل

ایدمک استعدادینی کو ستر مکده در.

اهالی اسلامیه نك حقوق تصرفیه سی مسئله سی ایسه بر مملکتك دیگر
بر حکومت اداره سنه کچدیکی هنکامده اجرا قلنان معاملاتدن فرقی دکلدر .
کرچه صربستانده کی مسلمانلر صرب قراللغك حین تصدیقنده تابعیت عثمانیه لرینی
محافظه ویا صرب تابعیتنی قبولده بخیر قلمشلسده بوسنه وهرسك اهالی اسلامیه سی
ایالتین سکنه عمومیه نك ربی مرتبه سنده کثیر اولمق حسیله حقلرنده صربستان
مسلمانلری مثللو مقررات اتخاذی بالطبع متعسر ، حتی سیاهه دعی محذور
اولدینی ایچون ، اوستریاچه غیر قابلدر . هر حالده اهل اسلامك تمثیت امور
شرعیده حاز مختاریت اولملری ، و حقوق تصرفیه لرینك تحت تأمینه آلمسی
جای ممنونیتدر . قوجه بر قطعه نك جسم دولندن اوپله قیمتدار بر عضوک ضیاعی
تأثرانی کرچه بویله چه اونویله مزسده اوراده کی اخوان دینك مصونیت حقوق
هر حالده مدار تسلیتدر . بشقه چه موجب ممنونیت بر کیفیت دخی اوستریا
اختلافندن طولایی اذهان عمومیه عارض اولان قسوتك زوال مرتبه سنده
تحفیدین دولتك اك زیاده محتاج حضور و سكون اولدینی بر زمانده غوائل
خارجیه ایله مشغول اولمسی چندان موافق اوله مزدی . ایسته بو غوائلك برندن
قورتلدق . شمدی صره بلغار اختلافك تسویه سنه کلدی .

«امارت» هدف اشتلافه طوغری هنوز یکی بر خطوه آتمدی . اوستریا ایله
اشتلافزه رغماً اصرار واقمنده ثبات ایدیور ، طوب و او تومویل سپارشلری کچی
تمیات حربیه شایعه لر ایله تحدیش اذهانه سخی ایدیور شوقدرکه بتون
اوروبا «باره ایچون محاربه اولمز» فکریله بوجهتدزده بر اشتلاف حصولنه
چالشمقده . و دولتك مطالب اولیه سی بلغارستانك اقتدار مالیه سنه نظراً تعدیل
ایتمسی لهنده توسط ایلمکده اولمسنه نظراً یا هرایی طرفدن ویا یالکیز بر طرفدن تربید
اعتدال اولنق صورتیله بر اشتلاف حصولی اسبابنك تأمین اولنه جنی مأمولدر . هر حالده
اوستریا ایله اشتلافز بلغارستان اوزرنده بوکونا تأثیر حاصل ایتماش ایکن صربستان
وقره طاغ افکار عمومیه سی اشتلاف مذکور دن طولایی يك زیاده تلاش و هیجانه دوشمشلر

ومیلانویچک بولنیقه سنی شدتله مؤاخذهیه کیرشمشلردر . ولیمیروویچ قایینه سی استعفا ایتک مجبور بتنده بولنقده و فقط بشقه بر هیئت نظار تشکیلی هنوز ممکن اوله مدیغندن قرال استعفای قبول ایده مامکده دره . شو قدرکه صربستان احوالک تذبذب حاضری یالکز قایینه نک موقعی تزلزله اوغرا تغله قالمور .

قرال دخی بک مشکل بره وقعه بولونیور . حتی بیوک اوغلنه ترک حکومت ایدرک چکیله چکی اکیدا مرویدر . عینی روایت قره طاغ پرنسی حقنقه دخی دوران ایدوب طور بیور ؛ مع هذا بور وایتلرک زیاده اوستریا صحایف مطبوعاتنده طولاشدینی ایچون براماره قطعیه کورلمدکجه احتیاطله تلقی ایدملری ایجاب حالنددر . هر حالده قرال الکساندرک کیفیت اتلی اوزرینه صندالی حکومت کلمش اولان « قرال پترو » علیه صربستان افکار عمومیه سنک بر قسمنده اوتهدنبرو بر خصومت موجود اولدینی ایچون شمعدیکی عدم خشنودی عمومی قرالی اندیشناک ایده چک بر کیفیت اولدینی کبی صربستان ولی عهدینک بک آتشین مزاج اولسنه نظراً شو کشمکش آره سنده پدرینی استخلاف ایتدیکه تقدیرده بونک طرفداران صاحب زنده موجب اندیشه بر حادثه تشکیل ایده چکی ده بدیدارددر .

دواتلر صرب ولی عهدینک غلیان افکاره بادی اطوار وحرکاتی حقنقه دها شمیدین صربستان زنده نشیئات لازمه اجرا ایتشلر ، صربستانه التزام حضور وسکون ایلمسنی اکیدا توصیه ایلمشلرددر . دیگر طرفدن صربستان ایله قره طاغک استیجاب خشنودیمی ایچون بویکی حکومت بمض فوائد اقتصادی کوسترلمی ضمنتده اوستریا زنده دخی اجرای توسط ایدلمکده دره .

صربستان ایله قره طاغ آره سنده برخط وصل حصوله کتیرلمک مقصودیه بوسنه وهرسک جهندن بر مقدار اراضی افزازینه محل قلمامق اوزره اوستریانک مذکور فوائد اقتصادی بی ارائیه میال بولنسدینی قویاً محسوسدر . هر حالده مسائل حاضره نک تمامی تسویه سی ایله مشکلات موجود نک کاملاً رفعی حالا قوتفرانسک انعامدینه وابسته بولنقده دره .

قونفرانسك زمان انعقادى ايسه هنوز معين دكل؛ شو آرملق موضوع بحث بيله اولمور ! وارسون اولسون . آردهكى اختلافلك مبدل ائتلاف اولمى اوزرينه ، علاقه داران بينندهكى مقررآتى تصديقدن بشقه بر وظيفهسى اولميه جق بر قونفرانسك بر ازاول ويا صكره انعقاد ايتمىسنده بر اهميت اوله مز . اصل مسئله دولت عليه و اوستريا ائتلافك روسيه ده طرز تلقىسنده در .

روسيه حكومتى دولتك ترويج مطالبى لك زياده الزام ايدر كى كورنديكى وحتى لك معتبر روس غزته لرندن « نوويه ورهميا » غزته سى روسيه نك ارتق ايكى پوليقيقه سندن نكول ايدرك بعدما توركي ايله بر دورء حسن آمزش آجسى زمانى حلول ايتديكندن بحث ايلديكى حالده دولت كندنجيه موافق كورديكى بعض شرائط تحتسده اوستريا ايله اوزلاشور اوزلاشمز روسلر نمون اوله جق ، اسباب نزاعك رفعى القشلايه جق يرده صربيلرله قره طاغايلىرك انفعاله مقيش اوله مامقوله برابر راشمئزازدر كوسترديلر عاداتا دولت عليه نك روسيه دن رأى آلمه دن عقد ائتلافه عدم صلاحيتندن بحث ايدر اولديلر ديكر طرفدن فرانسه نك نيم رسمى غزته سى صايلان « تان » ، جريده معتبره سنده انككتره يه قارشو شدتلى بر مقاله درج اوله رق انككتره پوليقيقه سى مؤاخذه ايدلدى . روسيه وفرانسه ده حصوله كنن بوجريان جديد يك زياده نظر دقتى جلبه سزادر . آيلردن برو استحصاله چاليشيلان ائتلاف عجبا نه اينچون اميد اولنديكى مرتبه نمونيتله تلقى ايدلمدى ؟ البت ائتلاف شرائطك مطالب اوليه دواته عدم توافقندن دكلدر .

عجبا نه رتال ايله مجادله سنده مغلوب اولمش صايلان موسيو ايزوولسكى « اتحاد اسلاو » طرفدارلرينك تضييقا نه زبون و صربايلرله قره طاغايلىرى كو چندريدكنه نادم اولوبده شمديدن صوكره مى تلافى مافات ايتك ايسته يور ؟ اشته بورالرينى آتى ، ده ا طوغري سى روسيه نك قونفرانسده اتحاد ايدى جكى طور و حركت كوستره جكلدر .